



Broj: 02-02-1611/17
Datum: 16.10.2017. godine

*ZAPISNIK O RADU SJEDNICE
KOMISIJE ZA JEDNAKOPRAVNOST SPOLOVA
održane 16.10.2017. godine*

Prisutni:

1. Vedran Dodik, zamjenik Predsjedavajućeg
2. Nuko Grebović, član
3. Srđan Simonović, član
4. Vahid Kasalo, član
5. Merjema Srna, članica
6. Suzana Hadžialagić, članica

Odsutna: Lejla Pašalić, članica

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Po ovlaštenju Gradonačelnika sjednici prisustvovala:

- Dragana Solaković, pomoćnik Gradonačelnika za lokalnu samoupravu i EU integracije

Zamjenik Predsjedavajućeg je otvorio sjednicu pozdravio prisutne i utvrdio kvorum za punovažan rad i odlučivanje. Sjednica je započela razmatranjem i jednoglasnim usvajanjem Zapisnika o radu sa predhodne sjednice Komisije za jednakopravnost spolova održane 21.09.2017. godine

Poslije rasprave i sažetka zamjenika Predsjedavajućeg, jednoglasno je usvojen sljedeći **dnevni red**:

1. Prijedlog Izmjena i dopuna Programa rada Gradskog vijeća Grada Sarajeva za 2017.godinu
2. Nacrt Politike Grada Sarajeva za mandatni period 2016-2020
3. Nacrt Programa rada Gradskog vijeća Grada Sarajeva za 2018. godinu
4. Predlaganje tema za Program rada Skupštine Kantona Sarajevo za 2018. godinu
5. Mišljenje o Prednacrtu Zakona o lokalnoj samoupravi Kantona Sarajevo
6. Tekuća pitanja

TAČKA 1.

Prijedlog Izmjena i dopuna Programa rada Gradskog vijeća Grada Sarajeva za 2017. godinu

Poslije kratkih uvodnih napomena, te rasprave i sažetka zamjenika Predsjedavajućeg, jednoglasno je usvojen sljedeći **zaključak**:

Komisija za jednakopravnost spolova sugerira Gradskom vijeću da razmatra Izmjene i dopune Programa rada Gradskog vijeća Grada Sarajeva za 2017. godinu kako su i predložene.

TAČKA 2.

Nacrt Politike Grada Sarajeva za mandatni period 2016-2020

Poslije kratkih uvodnih napomena, te rasprave i sažetka zamjenika Predsjedavajućeg, većinom glasova, uz jedan "suzdržan" glas, je usvojen sljedeći **zaključak**:

Komisija za jednakopravnost spolova sugerira Gradskom vijeću da razmatra Nacrt Politike Grada Sarajeva za mandatni period 2016-2020 kako je predložen i uputi ga u javnu raspravu.

TAČKA 3.

Nacrt Programa rada Gradskog vijeća Grada Sarajeva za 2018. godinu

Poslije kratkih uvodnih napomena, te rasprave i sažetka zamjenika Predsjedavajućeg, jednoglasno su usvojeni sljedeći **zaključci**:

1. Komisija za jednakopravnost spolova sugerira Gradskom vijeću da razmatra Nacrt Programa rada Gradskog vijeća Grada Sarajeva za 2018. godinu kako je predložen i uputi ga u javnu raspravu, uz uvažavanje sljedećeg zaključka.
2. Komisija za jednakopravnost spolova predlaže da se u Nacrt Programa rada Gradskog vijeća Grada Sarajeva za 2018. godinu uvrsti Informacija o zastupljenosti spolova u organima i tijelima Grada Sarajeva i gradskih poduzeća.

TAČKA 4.

Predlaganje tema za Program rada Skupštine Kantona Sarajevo za 2018. godinu

Poslije kratkih uvodnih napomena, te rasprave i sažetka zamjenika Predsjedavajućeg, jednoglasno je usvojen sljedeći **zaključak**:

Komisija za jednakopravnost spolova je mišljenja da bi Kanton Sarajevo za svoj rad u sljedećoj godini trebao uvrstiti teme kojima će

- preispitati svoju politiku s ciljem poboljšanja stanja vodosnabdijevanja,
- preispitati svoju politiku u smislu poboljšanja stanja klizišta,
- preispitati svojui politiku u smislu naplate parkirališta na javnim površinama građanima Sarajeva (tokom 24 sata),
- preispitati svoju politiku prema osobama treća životne dobi, donošenjem strategije zaštite građana treće životne dobi, a po osnovi prethodno izrađene socijalne karte u Kantonu Sarajevo.

TAČKA 5.

Mišljenje o Prednacrtu Zakona o lokalnoj samoupravi Kantona Sarajevo

Poslije kratkih uvodnih napomena, te rasprave i sažetka zamjenika Predsjedavajućeg, jednoglasno su usvojeni sljedeći **zaključci**:

1. Komisija za jednakopravnost spolova konstatira da Kanton Sarajevo nije uvažio mišljenje Grada Sarajeva o predloženim amandmanima na Ustav Kantona Sarajevo.
2. Komisija za jednakopravnost spolova konstatira da je primila k znanju Prednacrt Zakona o lokalnoj samoupravi Kantona Sarajevo, kao i stručno mišljenje predstavnice Gradonačelnika o Prednacrtu Zakona o lokalnoj samoupravi Kantona Sarajevo.

TAČKA 6.
Tekuća pitanja

Pod ovom tačkom dnevnog reda nije bilo zaključaka.

Zapisničar:

ZAMJENIK PREDSEDavajuće GKOMISIJE

Mirjana Đanović-Stanić

Vedran Dodik, s.r.